



## **VENDIM**

Nr. \_\_ datë \_\_\_\_\_

Këshilli i Fakultetit të Arkitekturës dhe Urbanistikës, në mbledhjen e tij të datës \_\_\_\_\_, ku morën pjesë \_\_ anëtarë nga 13 anëtarë me të drejtë vote, në mbështetje të Rregullores Mësimore të Universitetit Politeknik të Tiranës, si dhe Ligjit Nr. 9741, datë 21/05/2007 “Për Arsimin e Lartë në Republikën e Shqipërisë” i ndryshuar, me \_\_ vota pro, \_\_ kundër, \_\_ abstenim:

## **VENDOSI**

1- Miratimin e Rregullores së Diplomimit në Fakultetin e Arkitekturës dhe Urbanistikës

**KRYETARI I KËSHILLIT TË FAU**

**Prof. Dr. Andrea MALIQARI**



# RREGULLORE E DIPLOMIT NË FAU

**Tiranë, Shkurt 2014**

## **NENI 1**

### **Objekti dhe Qëllimi**

Rregullorja e Diplomimit në FAU vendos rregullat normative të marrëdhënieve që krijohen midis subjekteve të përfshira në procesin e diplomimit, të cilat përcaktojnë të drejtat e detyrimet e diplomantëve, rregullat për organizimin e procesit si dhe raportet e tyre me organet drejtuese dhe strukturat e tjera të FAU.

Rregullorja ka për qëllim të sigurojë kuadrin e brendshëm juridik të nevojshëm për mbarëvajtjen e procesit të diplomimit, të sigurojë rregulla të njëjta për disiplinën studentore dhe administrative, si dhe të garantojë standarde të cilësisë në hartimin e tezës së diplomës.

## **NENI 2**

### **Baza Ligjore**

#### **Kjo rregullore është hartuar bazuar në:**

1. Ligjin Nr. 9741, datë 21/05/2007 “Për Arsimin e Lartë në Republikën e Shqipërisë” i ndryshuar.
2. Rregulloren Mësimore të Universitetit Politeknik.
3. Udhëzimin Nr. 15, datë 04/04/2008 të MASH dhe Shkresën me Nr. 375/2 Prot, datë 29.04.2008 “Në lidhje me zbatimin e udhëzimit Nr. 15 të MASH” të Rektoratit të UPT.

## **NENI 3**

### **Parakushte të marrjes së temës së Diplomës**

Studenti duhet të ketë fituar minimumi 255 kredite (180 nga tre vitet e para dhe 75 nga viti i katërt dhe i pestë) në mënyrë që të mund të marrë temën e diplomës dhe të ndjekë Studion e Diplomës. Studenti mund të mbart vetëm një lëndë profesionale të tipit Studio.

## **NENI 4**

### **Aspekte didaktike**

Një Kredit Diplomë në Programin e Studimit Master Shkencor në Arkitekturë (Profili Arkitekt/Urbanist) është i barabartë me 4 orë në auditor dhe 21 orë punë individuale e studentit.

- Orët në Auditor:  $4 \times 30 = 120$  orë gjithsej në auditor
- Orë të zhvilluara nga udhëheqësi: 24 orë
- Orët në auditor të zhvilluara nga Studio e Diplomës:  $120 - 24 = 96$

- Orët Javore të zhvilluara nga Studio e Diplomës:  $96 / 12 = 8$  orë / javë

## **NENI 5**

### **Teza e diplomës në degën e Arkitekturës Profili Arkitekt/Urbanist**

Teza e diplomës është një punë e pavarur dhe krijuese e studentit në formën e një projekti apo studimi me karakter përgjithësues në fushat e Arkitekturës, Urbanistikës dhe disiplinave të lidhura drejtpërdrejtë me formimin e marrë gjatë zhvillimit të programit të studimit.

Teza e diplomës përmban një sërë detyrash e kërkesash, mënyra e shtrimit e të cilave i jep mundësi studentit, që nëpërmjet njohurive të fituara gjatë periudhës së shkollimit dhe punës konkrete studimore e projektuese, të tregojë aftësitë e tij profesionale dhe kompetencën për të kryer studime e projekte në fushat e Arkitekturës dhe Urbanistikës.

Teza e diplomës është e lidhur me disa disiplina të përafërta dhe mund të jetë individuale ose kolektive (dy-tre studentë), në rastet e tezave studimore komplekse. Në rastet e punimeve kolektive, studentët kanë të ndarë çështjet që do të trajtojnë, duke respektuar një ndarje afërsisht të barabartë të volumit të punës që do të kryejnë.

Tezat e diplomës përcaktohen nga departamenti përkatës dhe miratohen nga Dekani i FAU. Të përcaktimin e tezave të diplomës, departamentet dhe fakulteti bashkëpunojnë me Institutet kërkimore shkencore të UPT si dhe me institucione të tjera publike apo private që punojnë në fushat përkatëse.

Diplomantët paraqesin për miratim kërkesat me temat e propozuara si dhe udhëheqësin në Departamentin përkatës. Formulari i propozimit të temës dhe udhëheqësit duhet të jetë i shoqëruar me një dokument 1-2 faqe A4 ku specifikohet dhe argumentohet propozimi, këndvështrimi i diplomantit dhe pritshmërinë në realizimin e temës. Ky dokument duhet të jetë i firmosur nga diplomanti dhe udhëheqësi.

Studenti ka të drejtë të shprehë dëshirën e tij në lidhje me tezën e diplomës që kërkon të zhvillojë, si dhe udhëheqësin e tij. Ai mund të propozojë edhe vetë një tezë tjetër diplome së bashku me udhëheqësin përkatës.

Departamenti shqyrton të gjitha kërkesat specifike të studentëve, duke i harmonizuar ato me kushtet aktuale, pa cenuar nivelin e cilësinë e punimeve të diplomave.

## **NENI 6**

### **Udhëheqja e diplomës**

Udhëheqja e temës së diplomës në FAU kryhet nga departamentet përkatëse. Udhëheqësi dhe Studioja e Diplomës janë përgjegjës për ecurinë dhe mbarëvajtjen e temës dhe procesit të diplomimit.

Diplomanti zgjedh një Udhëheqës në Departament ose jashtë tij i cili miratohet nga Përgjegjësi i Departamentit. Kriteret që duhet të përmbushë Udhëheqësi i diplomës vendosen nga departamenti përkatës. Udhëheqësi duhet të shprehë pëlqimin me shkrim për udhëheqjen e temës së diplomës.

- Udhëheqësi i temës së diplomës përgatit **programin e punës** së diplomantit, duke vendosur edhe afatet e përafërta të përfundimit të çdo pike të programit. Studenti duhet të respektojë afatet e vendosura për të bërë të mundur mbrojtjen me sukses të temës në sesionin normal të mbrojtjes së diplomës.
- Udhëheqësi përcakton **grafikun e konsultimeve** të programuara me studentin, përgjatë të cilit konsultohet dhe kontrollohet puna e bërë sipas programit të miratuar. Grafiku i konsultimeve është i detyrueshëm të zbatohet nga studentin.
- Para mbrojtjes së tezës së diplomës, udhëheqësi rishikon dhe miraton punimin e kryer nga studentin. Ai jep **mendimin e tij me shkrim**, ku deklarohet realizimi i programit të punës të tezës së diplomës, niveli cilësor, elementët e punës krijuese të studentit dhe lejimi i mbrojtjes së punimit.

## NENI 7

### Studioja e Diplomës

Studioja e Diplomës është organizuar në grupe pune me 20-30 diplomantë të asistuar dhe mbikëqyrur nga 4 pedagogë. Kjo studio kryen aktivitetin e saj sipas programit dhe planit mësimor. Çdo javë studentin paraqet ecurinë e punës së tij në Studion e Diplomës. Studioja ka për qëllim të:

- Miratojë temën e diplomës
- Miratojë programin e punës të diplomantit
- Te asistojë udhëheqjen e diplomës
- Te vendosë kritere specifike për tema diplome me kompleksitet apo përmbajtje të veçantë
- Te rekomandojë literaturën për thellimin teorik
- Te mbikëqyrë çdo javë ecurinë e diplomës
- Të rekomandojë ndryshime nëse gjykohet e nevojshme
- Te ofrojë konsulencë të specializuar në fusha specifike
- Te organizojë tre kontrollet e diplomës
- Te hartojë recencat e diplomave

Studentin ndjek Studion e Diplomës çdo javë gjatë semestrit të X-të dhe është i detyruar të frekuentojë 75% të seancave në këtë Studio. Nëse studentin nuk përmbush masën e përcaktuar të frekuentimit, duhet të frekuentojë Studion e Diplomës në vitin pasardhës. Njëkohësisht studentin ndjek programin e punës dhe grafikun e konsultimeve me udhëheqësin.

- Studioja e Diplomës organizon tre kontrolle periodike, në të cilat kontrollohet volumi i punës së kryer dhe cilësia e saj. Studentin dhe udhëheqësin duhet t'i marrin parasysh rekomandimet e komisionit të kontrollit. Studentin që nuk mund të shlyejë 2 kontrollet e

para brenda procesit mësimor të Studios së Diplomës duhet të frekuentojë këtë studio në vitin pasardhës. Studenti që nuk mund të shlyejë kontrollin e tretë brenda procesit mësimor të Studios të Diplomës mund ta shlyejë atë në sesionet e vjeshtës ose të dimrit si dhe në sesionet e kontrolleve të vitit akademik pasardhës. Nëse kontrolli i tretë nuk shlyhet as në këto sesione, studentin duhet të marrë një temë të re dhe të frekuentojë Studion e Diplomës në vitin në vijim.

- Studenti fiton të drejtën për të mbrojtur diplomën, kur ai ka përfunduar të gjithë programin e punës, ka ndjekur Studion e Diplomës dhe ka shlyer të tre kontrollet e detyrueshme.
- Përgjegjësi i departamentit plotëson fletën e kontrollit të tezës së diplomës, në të cilën regjistrohen kontrollet e kryera dhe vlerësimet me fjalë për secilën prej tyre.

## NENI 8

### Përmbajtja e kontrolleve

Nëse teza e diplomës bazohet në zhvillimin e një **projekti**, përmbajtja e fazave të kontrollit është si më poshtë:

#### a- Profili Arkitekt

##### Kontrolli i parë

- Propozimi i temës
- Detyra e projektimit dhe programi i detajuar (me sipërfaqet përkatëse)
- Baza hartografike
- Shembuj studimorë
- Baza teorike – Referenca dhe bibliografi

##### Kontrolli i dytë

- Analiza arkitektonike, historike, social-kulturore, urbane-hapësinore, ambientale
- Konkluzionet e analizës
- Propozimi konceptual – ideor (skema, diagrama, makete, përshkrim, etj.)
- Propozimi urban: zgjidhja e hapësirës urbane
- Projekt-idea dhe zgjidhja arkitektonike: zgjidhja kompozicionale dhe funksionale
  - Skema dhe zonimi funksional
  - Te dhëna metrike
  - Paraqitja e propozimit në plan, pamje, prerje, volumetri

##### Kontrolli i tretë

- Projekti teknik
- Hollësi ndërtimore dhe zgjidhja teknologjike e fasadave
- Koncepte të zgjidhjes strukturore
- Koncepte të zgjidhjes ambientale dhe impiantistikës
- Relacion arkitektonik – teknik
- Maket / foto te maketit

## b- Profili Urbanist

### Kontrolli i parë

- Propozimi i temës
- Baza e të dhënave
- Shembuj studimorë
- Baza teorike – Referenca dhe bibliografi

### Kontrolli i dytë

- Analiza e territorit dhe konkluzionet
- Skema dhe zonimi funksional
- Propozimi konceptual – ideor (përshkrim, dhe material grafik)
- Skenare dhe opsione për propozimin përfundimtar
- Projekt idea

### Kontrolli i tretë

- Projekti i hollësishëm përfundimtar (material grafik, detajim i plotë i zgjidhjes)
- Relacion përshkrimor

Për projekte me karakter të veçantë, Studioja e Diplomës përcakton përmbajtjen e fazave të kontrollit.

Nëse teza e diplomës ka përmbajtje **teorike-studimore**, përmbajtja e fazave të kontrollit është si më poshtë:

### Kontrolli i parë

1. Propozimi i temës
2. Plani i kërkimit
  - Identifikimi i problemit
  - Tema e studimit
  - Qëllimi i studimit
  - Pyetjet e kërkimit
  - Hipotezat
  - Përmbajtja e kërkimit
  - Rezultatet e pritshme dhe planifikimi kohor
3. Baza teorike

### Kontrolli i dytë

1. Analiza e rasteve të studimit dhe gjetjet
2. Skenarë dhe opsione për zgjidhjen e problemit
3. Propozimi përfundimtar
4. Vërtetimi i hipotezave

### Kontrolli i tretë

- Studimi i plote (Përmbajtja dhe materiali grafik)
- Konkluzione dhe/ose rekomandime

## NENI 9

### Mbrojtja dhe vlerësimi i diplomës

Të gjitha tezat e diplomave, para se të lejohen për mbrojtje, miratohen nga dekani i fakultetit.

Punimi i diplomës mbrohet para një komisioni të posaçëm, të përbërë nga staf akademik i FAU si dhe profesionist të shquar të fushës (ne qofte se shihet e nevojshme), i propozuar nga departamentet përkatëse dhe i miratuar nga dekani. Mbrojtja e diplomës është publike. Komisioni i mbrojtjes së diplomave përbehet nga 5-7 anëtarë. Komisioni funksionon kur janë prezent jo më pak se 2/3 e anëtarëve të tij. Secili nga anëtarët ka ne dispozicion një vlerësim nga 0-100 pike. Rezultati përfundimtar i diplomës përlogaritet ne baze te mesatares aritmetike te vlerësimit te te gjithë anëtarëve. Vlerësimi me note bëhet sipas pikëzimit:

100 - 95	pikë	vlerësohet me notë përfundimtare	10 (dhjetë)
94 - 85	pikë	vlerësohet me notë përfundimtare	9 (nëntë)
84 - 75	pikë	vlerësohet me notë përfundimtare	8 (tetë)
74 - 65	pikë	vlerësohet me notë përfundimtare	7 (shtatë)
64 - 55	pikë	vlerësohet me notë përfundimtare	6 (gjashtë)
54 - 45	pikë	vlerësohet me notë përfundimtare	5 (pesë)
nën 44	pikë	vlerësohet me notë negative	4 (katër)

Nota regjistrohet ne procesverbalin e mbrojtjes se diplomave. Procesverbali firmoset nga te gjithë anëtarët e komisionit. Ne përfundim te çdo seance mbrojtjeje, ne mënyrë publike kryetari i komisionit, ne prani te anëtarëve, i komunikon çdo diplomanti notën, me te cilën është vlerësuar punimi i tij.

Në rast se studenti vlerësohet me notë negative në mbrojtjen që i bën tezës së tij, ai mund të mbrojë përsëri të njëjtën tezë ose të mbrojë një tezë të re brenda një periudhe jo më vonë se tre vjet.

Gjatë periudhës tre vjeçare nga koha e përfundimit të studimeve të plota, diplomanti ka të drejtë të mbrojë tezën e tij deri në dy herë.

Nëse në të dy rastet diplomanti është vlerësuar nga komisioni me notë negative ose ai nuk paraqitet për të bërë mbrojtjen e punimit brenda afateve maksimale (tre vjeçare), atëherë studenti humb të drejtën e diplomimit.

## NENI 10

### Modalitete

Studenti nuk mund të mbrojë temën e diplomës pa shlyer më parë të gjitha detyrimet dhe pa fituar 270 kredite të parashikuara në planin mësimor të programit përkatës të studimit.

#### 1. Kriteret e Diplomimit

- Kriteri 1. Frekuentimi dhe vlerësimi pozitiv ne Studion e Diplomës
- Kriteri 2. Shlyerja e tre kontrolleve të diplomës
- Kriteri 3. Vlerësimi pozitiv nga Udhëheqësi



- Kriteri 4. Vlerësimi pozitiv nga Recensenti
- Kriteri 5. Miratimi nga Dekani i FAU
- Kriteri 6. Mbrojtja e tezës së diplomës

Studenti, para mbrojtjes së punimit të diplomës, duhet të ketë likuiduar të gjitha detyrimet financiare dhe materiale që mund të ketë me universitetin, bibliotekën shkencore, bibliotekën kombëtare, konviktet, etj.

## 2. Paraqitja e diplomës

Rregullat e pranimit dhe dorëzimit (formati dhe standardet) te tezës së diplomës me përmbajtje projekt ose teme teorike-studimore përcaktohen nga departamenti përkatës bazuar në standardet dhe rregullat akademike.

## 3. Kalendari

### Semestri i X-të

Java 1	Java 2	Java 3	Java 4	Java 5	Java 6	Java 7	Java 8	Java 9	Java 10	Java 11	Java 12
8 orë	8 orë	8 orë	8 orë	8 orë	8 orë	8 orë	8 orë	8 orë	8 orë	8 orë	8 orë
Studio Diplome	Kontrolli I	Studio Diplome	Studio Diplome	Studio Diplome	Studio Diplome	Kontrolli II (I ose II)	Studio Diplome	Studio Diplome	Studio Diplome	Studio Diplome	Kontrolli III (II ose III)

### NENI 11

#### Dispozita kalimtare

1. Për studentet e vitit akademik 2013-2014 parakushtet e marrjes së temës së diplomës bazohen në Rregullorja e Programit Mësimor në Degën Arkitekturë profilet Arkitekture/Urbanistike 2009-2014 si dhe në Nenin 4 të kësaj rregulloreje.
2. Për studentet e sistemit të vjetër mbrojtja e diplomave do të bazohet në Rregulloren Mësimore të Universitetit Politeknik si dhe në Rregulloren e Programit Mësimor në Degën Arkitekturë profilet Arkitekture/Urbanistike 2009-2014.

### NENI 12

#### Dispozita e fundit

Me miratimin e Rregullores së Diplomimit në Fakultetin e Arkitekturës dhe Urbanistikës, ajo behet pjese e rregullores së Programit Mësimor të Degës Arkitekturë profili Arkitekture dhe profili Urbanistikë të vitit 2009-2014.



Rregullorja e Diplomimit në Fakultetin e Arkitekturës dhe Urbanistikës është miratuar nga Këshilli i Fakultetit më datë \_\_\_\_ . \_\_\_\_ . \_\_\_\_ .

Tiranë më, \_\_\_\_ . \_\_\_\_ . \_\_\_\_

**KRYETARI I KËSHILLIT TË FAU**

**Prof. Dr. Andrea MALIQARI**